

aliquam, & quidem amplis multorum promissis, haudquaquam exiguam, sit allatura. Non caret difficultate negotiū. Sed quando cum eximia utilitatis non contemnendæ spe coniunctum est, nos ipsos audere & Hoc agere iubebimus, quantumque fieri poterit, breuiter de utroque dicemus.

Ad primæ quæstionis solutionē natura simplicium remediorum perpendenda est: Sit'ne ea simplex, an composita, ὁμοιομερῆς an ἀνομοιομερῆς, similis, vt cum scholis loquamur, an dissimilis. Si enim ex diuersis partibus ita constiterit, vt quamuis sit vna totius forma, merito tamen diuersarum partium, diuersas quoque facultates obtineat, tum leui brachio euincemus, simplex remedium in partes suas constituentes inoffensis facultatibus dirimi posse & debere: sin secus, & vnam parilemque substantiam sit adepti, non nihil difficilius.

Dissimilium itaque partium remedia sunt ea, quæ in partes sibi dissimiles cōciduntur. Sic Galenus Aristotelē secutus, τὸ ἀνομοιομερῆς definit. Tales sunt in plan-

1. Meth. 6.
1. Histor.
anim. 1.